



Datë: 03.12.2025

Numër Protokolli: 7734/2025

A.nr.1833/2025

Këshilli i Pavarur Mbikëqyrës për Shërbimin Civil të Kosovës–Kolegji për Shqyrtimin dhe Vendosjen e Ankesave i përbërë nga: Malsore Gashi Bajraktari, kryetare, Eshref Shabani dhe Ardita Haxhnikaj-Demi, anëtar, me Atdhe Gashi, në cilësinë e procesmbajtësit, në procedurë sipas ankesës me numër A.nr.1833/2025 të datës 22.10.2025 të parashtruar nga ankuesi J.Gj, kundër organit të punësimit/Shërbimit Korrektues të Kosovës, në çështjen juridike “*kompensim material*”, duke vepruar në pajtim me nenin 6 paragrafin 1 nën paragrafin 1.1, nenin 16 paragrafi 3 dhe nenin 18 paragrafin 1 nën paragrafin dhe 1.8 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, i ndryshuar dhe plotësuar me Ligjin Nr.08/L-180, si dhe Rregulloren Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim, me datë 03.12.2025, mori:

V E N D I M

I. Këshilli i Pavarur Mbikëqyrës për Shërbimin Civil të Kosovës ***shpallet jo kompetent*** për shqyrtimin dhe vendosjen e ankesës A.nr.1833/2025, të datës 22.10.2025, të parashtruar nga ankuesi J.Gj.

II. Lënda i dërgohet për shqyrtim dhe vendosje organit kompetent/Komisionit për Ankesa në Shërbimin Korrektues të Kosovës.

A r s y e t i m

J.Gj (në tekstin e mëtejme referuar: ankuesi), më datë 22.10.2025 ka parashtruar ankesë me numër protokolli 6936/2025 në Këshillin e Pavarur Mbikëqyrës për Shërbimin Civil të Kosovës, kundër Shërbimit Korrektues të Kosovës, për shkak të mos realizimit të kompensimit material për pagën jubilarë në vlerën e përgjithshme financiare prej 363.00 Euro, të përcaktuar sipas Vendimit me Nr.214 të datës 30.05.2025 të Njesisë së Burimeve Njerëzore.

Kolegji për Shqyrtimin dhe Vendosjen e Ankesave (në tekstin e mëtejshme referuar: Kolegji i Këshillit) nga shqyrtimi dhe analizimi i shkresave të lëndës ka gjetur se Këshilli i Pavarur Mbikëqyrës për Shërbimin Civil të Kosovës **nuk është kompetent** për vendosur për ankesën e parashtruar nga ankuesi J.Gj, sepse:

Kolegji i Këshillit, nga administrimi i shkresave të lëndës konstaton se ankuesi sipas Kontratës së Punës të datës 20.06.2018, është i punësuar në pozitën e punës “**Zyrtar Korrektues**”, në Qendrën Korrektues në Dubravë, në kuadër të Shërbimit Korrektues i Kosovës, dhe po ashtu është përmes Vërtetimit të datës 13.10.2025 të lëshuar nga Njësia e Burimeve Njerëzore të SHKK-së, dëshmohet fakti se ankuesi mban pozitën e njëjtë të punës.

Tutje, ankuesi me datë 04.04.2025 i është drejtuar Njesisë për Menaxhimin e Burimeve Njerëzore të ShKK-së, me kërkesën për njohjen e kompensimit material, respektivisht të drejtën për realizimin e pagës jubilarë, mbi bazën ligjore sipas dispozitave të Ligjit nr.08/L-131 për Shërbimin Korrektues të Kosovës.

Ndërsa, Menaxheri i Burimeve Njerëzore në Shërbimin Korrektues të Kosovës, rezulton se përmes Vendimit me numër protokolli 214 të datës 30.05.2025, ka aprovuar kërkesën e ankuesit lidhur me kompensimin e pagës jubilarë dhe atë në vlerën e përgjithshme financiare prej 363.00 Euro.

Si rrjedhojë se mos zbatimit të Vendimit të lartë cekur, përkatësisht mos realizimit të kompensimit material për pagën jubilarë në vlerën e përgjithshme financiare prej 363.00 Euro, ankuesi parashtruar ankesë në Këshill me pretendimin ankimor që të obligohet organi i punësimit, për ekzekutimin e këtij kompensimi.

Kolegji i Këshillit, para se të lëshohet në shqyrtimin meritor të rastit lidhur me pretendimet ankimore të ankuesit në këtë çështje administrative dhe me qëllim të konstatimit të kompetencës lëndore, analizoi kuadrin ligjor në fuqi respektivisht dispozitat e Ligjit Nr.08/L-197 për Zyrtarët Publikë, ku sipas nenit 6 paragrafi 1, nën paragrafi 1.1, është përcaktuar se: “*1. Nëpunësja/i civil me status të veçantë është nënkategori e nëpunëses/it civil, ku bëjnë pjesë: 1.1. të punësuarat/it e shërbimit korrektues dhe sprovues të Kosovës*” si dhe po ashtu u analizuan dhe morën përbazë edhe dispozitat e Ligjit Nr. 08/L-294 Për Ndryshimin dhe Plotësimin e Ligjit Nr. 08/L-197 Për Zyrtaret Publik, ku në nenin 6 përcaktohet si në vijim: “*Neni 6 i ligjit bazik ndryshohet si në vijim: Neni 6 Nëpunësi civil me status të veçantë 1. Nëpunësi civil me status të veçantë është nënkategori e nëpunësit civil, ku bëjnë pjesë: 1.1. të punësuarit e Shërbimit Korrektues të Kosovës, përjashtimisht zyrtarët korrektues*”, andaj duke u mbështetur në nenin 19 të të njëjtit ligj, i cili është publikuar në gazetën zyrtare me datë 02.06.2025, i njëjti ka hyrë në fuqi me datë 17.06.2025, nga rrjedh se pozita që mbanë ankuesi **Zyrtar Korrektues** në kuadër të Shërbimit Korrektues të Kosovës, më nuk e ka statusin e nëpunësit civil.

Lidhur me procedurën e ushtrimit të mjeteve juridike në mbrojtje të drejtave nga marrëdhënia e punës, Kolegji i Këshillit duke iu referua aktit të themelimit të marrëdhënies së punës së ankuesit, gjegjësisht kontratës së punës në të cilën përcaktohej se marrëdhënia e punës ndër tjerash është lidhur edhe mbi bazën e Ligjit të Punës, prandaj në mbështetje të nenit 78 dhe 79 të Ligjit 03/L-

212 të Punës, Kolegji i Këshillit thekson faktin se Zyrtarët Korrektues në kuadër të Shërbimit Korrektues të Kosovës, pas hyrjes në fuqi të Ligjit Nr.08/L-294 Për Ndryshimin dhe Plotësimin e Ligjit Nr. 08/L-197 Për Zyrtaret Publik, fillimisht duhet të ankohen tek punëdhënësi dhe më pas mund të fillojnë kontest administrativ në gjykatën kompetente.

Prandaj, në kuptim të nenit 101 paragrafi 2 të Kushtetues së Republikës së Kosovës si dhe nenit 6 paragrafi 1 nën paragrafi 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, Këshilli është kompetent që të shqyrtoj dhe të merr vendime vetëm për ankesat e nëpunësve civil dhe kandidatëve për pranim në Shërbimin Civil, andaj, pas konstatimi së ankuesi nuk ka statusin e nëpunësit civil, Kolegji i Këshillit bazuar në nenin 8 paragrafi 1 nën paragrafi 1.8 të Ligjit Nr.06/L048 për Këshillin e Pavarur Mbikëqyrës për Shërbim Civil të Kosovës, vendosi si në dispozitiv të këtij vendimi.

Duke marr parasysh konstatimin si me lartë se Këshilli i Pavarur Mbikëqyrës për Shërbimin Civil të Kosovës nuk ka kompetencë për të vendosur lidhur me ankesën A.nr.1769/2025, atëherë bazuar në nenin 75 paragrafin 1 të Ligjit Nr.05/031 për Procedurën e Përgjithshme Administrative, lënda i dërgohet për shqyrtim dhe vendosje organit kompetent, në këtë rast Komisionit për Ankesa të Shërbimit Korrektues të Kosovës.

Vendimi hyn në fuqi në ditën e nënshkrimit nga Kryetarja e Kolegjit.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë-Departamenti për Çështje Administrative, brenda afatit prej tridhjetë (30) ditësh, nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
Lënda me numër A.nr.1833/2025

Atdhe GASHI

Procesmbajtës

Malsore GASHI-BAJRAKTARI

Kryetare e Kolegjit

Vendimi i dorëzohet:

- Ankuesit J.Gj;
- Shërbimit Korrektues të Kosovës (Komisionit të Ankesave dhe Udhëheqësit të Burimeve Njerëzore), si dhe
- Arkivit të KPMSHCK-së.